

Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2018-imeersoq. (aatsitassanut ikummatissanullu inatsit).

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Inuussutissarsiornermut Aatsitassanullu Ataatsimiititaliaq suliarinninnermini kingullermik ukuninnga inuttaqarpoq:

Inatsisartunut ilaasortaq Jens Danielsen, Siumut, Siulittaasoq

Inatsisartunut ilaasortaq Múte Bourup Egede, Inuit Ataqaatigiit, Siulittaasup tullia

Inatsisartunut ilaasortaq Hermann Berthelsen, Siumut

Inatsisartunut ilaasortaq Laura Táunâjik, Siumut

Inatsisartunut ilaasortaq Randi Vestergaard Evaldsen, Demokraatit

Inatsisartunut ilaasortaq Sara Olsvig, Inuit Ataqaatigiit

Inatsisartunut ilaasortaq Peter Olsen, Inuit Ataqaatigiit

1. Siunnersuutip imarisai siunertaalu

Inatsisissatut siunnersuut erngup nukingata nukissiornermut atorneqartarnera pillugu Inatsisartut inatsisaannut nutaamut kiisalu kommunit aqunneqarnerat pillugu Inatsisartut inatsisaannut malitsitut aatsitassanut inatsimmi allannguutininik imaqarpoq.

1.2. Inatsisissatut siunnersuummut tunuliaqutaasup naatsumik oqaluttuarinera

Aatsitassat pillugit suliniummumt atatillugu erngup nukinganik atuinissamut akuersissummik pissarsisinnaanermumt, piginnaatitsissummik pigisaqartup aatsitassanik peqarfeqarneranik takussutissaqartitsinera niuernermillu tunngaveqartumik piiarneqarsinnaasumik killissalersuisimanissaa maannamut aalajangiisuusimavoq. Kingornali paasinarsisimavoq erngup nukinganik atuinermumt maleruagassiornermi aatsitassanumt inatsit allaffissornikkumt ingerlatsinikkumt pitsaanerpaamik iluarsissutaanngitsoq.

1.3 Erngup nukinga pillugu aalajangersakkat piusut aatsitassanut inatsimmit peerneqarput

Erngup nukinganik sillimmatinik ingerlatanut aatsitassanut inatsimmut tunngassutilinnut atugassamik nukissiornermut maleruagassat paatsuunganartoqalernissaat pinaveersaarniarlugu erngup nukinga pillugu aalajangersakkat piusut aatsitassanut inatsimmit peerneqarput, taamaalillutik erngup nukinga pillugu aalajangersakkat tamarnik siunissami erngup nukingata nukissiornermut atorneqartarnera pillugu Inatsisartut inatsisaannut katersorneqassallutik.

1.4 Kommunit aqunneqarnerat pillugu Inatsisartut inatsisaannut tunngatillugu malitsitit iluarsineq

Kommunalbestyrelsit nunaqarfinnilu aqutsisut pillugit Inatsisartut inatsisaat kommunit aqunneqarnerat pillugu Inatsisartut inatsisaannik taarserneqarpoq. Tamanna aatsitassat pillugit inatsimmi § 96, imm 4-mik teknikikkut iluarsissuteqarnissamik pisariaqalersitsivoq.

3. Tusarniaanermut akissutit

Siunnersuut piffissami 11. juni 2018 – 7. juli 2018 tusarniaanermut nittartakkami tamanut saqqumitinneqarpoq. Piffissami tassani siunnersuut tusarniaaffigineqartunut ukununnga nassiunneqarpoq:

Aningaasaqarnermut Naalakkersuisoqarfik

Pinngortitamut Avatangiisinullu Naalakkersuisoqarfik

Inuussutissarsiornermut Nukissiuuteqarnermullu Naalakkersuisoqarfik

Ukununnga tusarniaanermut akissuteqaatinik tigusaqartoqarpoq:

Aningaasaqarnermut Naalakkersuisoqarfik, Inuussutissarsiornermut Nukissiuuteqarnermullu Naalakkersuisoqarfik, Aatsitassanik Suliassaqarfinnut Avatangiisinut Aqutsisoqarfik aamma Kommune Kujalleq.

3.1 Inuussutissarsiornermut Aatsitassanullu Ataatsimiititaliap tusarniaanermut oqaaseqaatai

Aasaanerani sulinngiffeqarnerup nalaani tusarniaasoqarnera Inuussutissarsiornermut Aatsitassanullu Ataatsimiititaliamit tunngaviatigut pitsaanngitsutut nalilerneqarpoq. Taamaattorli inatsisissatut siunnersuut teknikikkut annikitsunik iluarsinerinnaammat ataatsimiititaliap isumaa malillugu tusarniarneqartut tusarniaanermut atatillugu pisarialik sinnerlugu nammakkerneqanngillat. Ataatsimiititaliaq allanik oqaaseqaateqarnissaminut tunngavissaqarsorinngilaq.

4. Ataatsimiititaliap siunnersuummik suliarinninnera

Inatsisissatut siunnersuut naatsunnguanngorlugu suliaavoq aatsitassanullu suliniutinut atatillugu nukissiornermut imermik atuineq pillugu aatsitassanut inatsimmi aalajangersakkanik malitsitut iluarsinerulluni. Aalajangersakkat imermik atuinermut tunngassutillit aatsitassanut inatsimmit peerneqarput erngullu nukinga pillugu inatsimmut katersorneqarlutik. Misilittakkat katersorneqarsimasut tunngavigalugit inatsisitigut tunngavissanik naleqqussaaneq pisariillisaanerlu Inuussutissarsiornermut Aatsitassanullu Ataatsimiititaliamit pitsaasutut isigineqarpoq.

5. Siunnersuutip aningaasatigut kingunissai

Inatsisissatut siunnersuutip aningaasatigut kingunissai Naalakkersuisunit siunnersuummut nassuiaatini nalinginnaasuni allaaserineqarsimapput. Ataatsimiititaliaq Naalakkersuisut naliliinerannit allaanerusumik naliliissalluni tunngavissaqarsorinngilaq.

6. Ataatsimiititaliap inassuteqaatai

Siunnersuutip ilusimisut iluseqartup akuersissutigineqarnissaa ataatsimiititaliamit isumaqatigiittumit inassutigineqarpoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

Jens Danielsen
Siulittaasoq

Múte Bourup Egede
Siulittaasup tullia

Hermann Berthelsen

Laura Táunâjik

Randi Vestergaard Evaldsen

Sara Olsvig

Peter Olsen